

四庫全書

史部

欽定四庫全書

欽定熱河志卷三十五

行宮十一

澹泊敬誠

清舒山館


戒得堂

春好軒

靜寄山房

煙雨樓

澹泊敬誠



澹泊敬誠 避暑山莊正殿凡七楹

聖祖御題額曰澹泊敬誠宮殿榜多鐫刻茲則恭懸

墨寶萬年

家法

心畫如存每

聖節臚歡遠人肆覲則

御茲殿扈從臣工暨外藩蒙古拜舞趨蹌展儀盛容仰

堯茨之儉約湖

卷三十五
虞典之精微恭誦

宸章

心源遙契

御書聯曰

先澤志欽承宵衣旰食民依心切念春雨秋暘東西壁聯

曰四面雲山契仁壽萬家煙井念民和曰

祖訓式欽思日監

天行惟健體時乘左右配殿各五楹後殿亦五楹曰衣清

曠亦

聖祖御題墨寶東偏

御書額曰寶筏喻聯曰法雲自護三乘義慧日常開四

照花

御製詩

賦得澹泊敬誠 甲申

處處瞻

奎藻殷殷仰

聖情標言澹以泊繼曰敬分誠明志由斯要持心在合并

居存守良幾煩擾去私營

易正義序不煩
不擾澹泊不失


無欲函三契

有為得一貞

堯茨垂永煥

虞典溯惟精

清舒山館



清舒山館 水心榭東北山川明瑟林樾靜深以
清舒山館為最凡五楹恭懸

聖祖御題內曰永慶堂

御書額曰煙霞澄鮮東楹奉

聖祖宸翰榜曰永奩聯曰解帶桂長松慣住山中忘鹿性
披襟臨積水數行樹下識禽音西楹

御書聯曰高擁三山臨水鑑勤思六字上春臺內曰舍
德齋聯二曰雲移溪樹侵書幌風動巖花點硯池

曰綠野明斜日青山淡晚煙後簷額曰聚雲複岫
山房皆

聖祖御題西南隅別殿曰蘿月松風

御製詩

清舒山館題壁

乙丑

逕步煙蕪綠染鞋芸牕小憩愛清佳數聲仙樂泉淙澗
大塊文章花綴厓琴在壁間渾太古鹿來牕外識無懷
秋蟲唧唧如相訴多少風光付蘚階

清舒山館 丁卯

近樹遙峯罨翠光
清秋偶此憇山房
依然前歲來遊地
重撚吟髭爾許長

山泉過雨冽而清
更折枯枝松下烹
一縷纔看林際出
片雲忽與半空橫

蛩語花香秋未闌
書屏書幌曉先寒
泉淙劍峽琴誰弄
橡墮苔枰碁自彈

鹿來谷口窺人立
魚向溪頭噉藻浮
萬彙機緘歸易簡

當前妙蘊足研搜

義圖虞典陳班几流水高山寄玉琴要識清舒最佳處

一溪一壑稱人心

清舒山館

已已

山館重來啟碧疏清秋景色果清舒巖風送爽辭紈扇
林鳥銜花下玉除泉出石甘堪酌茗松依庭茂稱翻書
今年頗覺吟情懶於此婆婆一起予

清舒山館

已已

山館從來最暢情
開軒況值九秋清
多於前度為何事
颯沓空庭落葉聲

竄宜觀處皆成畫
於暫閒時輒詠詩
設使幾餘無二者
更於何處遣情思

霜染丹楓淡復濃
扶崖鬱翠見喬松
鹿鳴每向閒牕聽
知在蒼煙第幾峯

潦盡寒潭清見底
林疎遠岫淡無痕
重陽節近黃花放
便是東籬處士村

清舒山館

辛未

雲牕重此坐清舒峯翠迎人過雨餘前歲今秋饒歷歷
溪聲山色自如如單椒時下叻煙鹿芳沚頻浮唼浪魚
欲倚喬松尋琥珀落來清露濕衣裾

清舒山館對雨

壬申

山雲漏日午蒸炎準擬今朝塞雨霑屨步長橋纔瞬息
珠絲先我掠前檐

書館蕭秋坐雨便牕臨碧沼漠溪煙塞山楚水何分別

祇覺瀟湘意與然

山莊駐蹕尚斯須
漸石無勞歎僕夫
今歲秋霖不愁過
還愁關內飽霜無

簷響泉聲互酌斟
颯涼頓覺襲衣襟
無端失却西峯色
遼待時晴取次尋

清舒山館 癸酉

山館悠然清且舒
每來偏覺適幾除
雲開遠岫蒼盈牖
風過疎林紅點除

雁背霜空秋意深晴和聊復一登臨
沈寥邱壑無宗賞
淡泊生涯靜者心

暎日芳菲九月菊過雲錦繡一房山
縹緗隨意堪抽繹
趁此秋蕭片晌閒

清舒山館

甲戌

清舒舊愛三秋好却悟清舒夏最宜
幽聽滿林風颯颯
寒光當戶雨絲絲既深斯靜目因遠
妙合而凝意與遲
野雀不知人在座將雛時向綠牕窺

清舒山館 乙亥

迢遞林扉敞碧闌清舒聊趁片時間
最宜天朗日晶候況復山環水抱
間野卉向陽還艷冶石泉帶冷自潺
湲坐中檢校前題句不隔如斯孰往還

清舒山館 丁丑

林扉不用尋山複水之潯又是秋清
候依然向會心牕含千軸畫壁有五
絃琴一味寧耽靜舉頭

舜日臨

清舒山館 戊寅

座有瑤琴架有書
清秋重此坐清舒
禽魚總是忘機侶
山水真成繕性居
綠潤鋪林延爽細
紅芳戀沼送香徐
題詩四壁饒何事
今昔分明靜校餘

清舒山館 己卯

蘭露杉風又一時
芸牕棐几小宜之
似茲山館寧當負
每至清舒例有詩
水繞階前定無滓
節臨秋仲若為遲
舊題新什相聯續
境詣如何藉自知

清舒山館

庚辰

蘭蹊步入迥無塵有水潺潺有石磷
山館依然臨水石
一迴觸興一迴新

浮雲盡捲東南去爽氣都從西北來
明日便當清蹕啟
芸牕今得少徘徊

清舒山館

辛巳

紆步因延賞騁懷在集虛有書照今古
無物惹清舒
花
柳莊生蝶池飛寧氏魚秋光自瀟落不異卅年初

清舒山館 壬午

新秋促轡以園期山館歸來仲序宜了識清舒最佳處
可當頓置弗留詞不寒不暖娛人候有月有風速客時
四壁圖書驗今昔綠牕曦影又西移

清舒山館 癸未

山氣含清又展舒評量真是夏宜居琴書靜好晝方永
衣帶涼生風入虛滿地綠雲滋秀草一湖香錦放新蕖
年年題句多粘壁景會惟殊各起予

清舒山館

甲申

憩館自然會舒志當秋恰值最清期一天快霽與豁目
幾片閒雲不繫思喬樹陰中風喜拂好花芳處露常滋
箇間習靜居然合却是吾恒鮮暇時

清舒山館

乙酉

在在是仙都清舒最愜吾優遊皆道甞

光霽仰

神模露重花房濕秋新草帶紆一年吟一度興會總欣殊

清舒山館

丙戌

石逕致縈紆雲牕却曠芋遊睇得舒賞樂志足清娛鹿
柴蹤常印蜂房窠已輸年年有題句觸景緬

軒虞

清舒山館

丁亥

山向舒間此卜居水欣清處暎紗疏智仁適會動還靜
枕簟無非史與書露卉繞階香帶潤風松拂戶爽生虛
曉秋景概從新閱育物對時益疊予

清舒山館

戊子

書館山間更水間輕輿迤邐入林闌
清秋舒志莫過此
片刻憇躬原復還鳥識人來語益繁
蛩因節至闌頻嘯
笑予旬日方斯賞一為

去聲

喜新一少閒

清舒山館

己丑

林竊全收似啟扉既舒志復引清機
鹿知熟徑尋常到
鳥惜芳陰不忍飛境是天然羸繪畫趣
合理要入精微
斯宜久坐領其妙得句便

去聲

旋自笑非

題清舒山館 唐寅

假山年久似真山，況有臨階碧水潺。
園裏斯當近東地，林端常見蠹西鬟。
庭餘落葉聲隨步，牕納浮嵐色伴閒。
莫訝叩門新客到，應為攬座主人還。

清舒山館 辛卯

山莊歲歲臨山館，秋孟忽忽季秋葉。
落隔牕疑雨落，水流過砌共時流。
向陽暖處每久坐，值暇餘中此漫遊。
景曰清哉莫如靜，興於舒矣更宜收。

清舒山館 壬辰

綠陰深處徑尋前便有書堂枕碧川清矣衣衫如照鏡
舒哉心意頓忘筌鹿看岸隔食苹野鳥訝牕開窺簾遙
山靜日長適逢會子西妙處得天然

題清舒山館 癸巳

山館四時清惟秋清且舒何以知其然山蒼林漸疏雨
後涼必增風前暑早祛騁目望則遠披襟爽有餘惟是
幾政繁未能靜讀書

清舒山館

甲午

歲歲有題留寧當頓置不舒懷畧此際清景最於秋日

遠樹陰張

去聲

氣涼花露凋門前一灣水駒隙共斯流

題清舒山館

乙未

雲消不著片絲留氣爽天高可事遊山館由來是初至

閒情何必異前秋

向年啟駕每於秋序即近歲於夏月至山莊而臨此山館仍率逢秋月也

清眸舒志故如此厭故喜新得免不

駐此逾月而初至者雖因少暇亦因

新構處率先往故自嘲云

題壁年年原弗闕笑無佳句勝殊酬

題清舒山館 丙申

綠陰喜清遠夏日正舒長
遂與尋新徑依然得古堂
泥融留鹿篆樹爽奏蟬
簧原是常來處會心每異常

清舒山館 己亥

山之複更水之隈別館偏宜擇
向開清聽所欣謾濤耳
舒慄都為快晴哉兩年歲月如疇昔
七字吟哦屬儻來
身有餘閒志無逸文筵未肯久徘徊

清舒山館 庚子

秋入清謀目雲間暢舒心有風皆送爽無樹不張陰臺
館藏幽與詩書待秘尋笑予少暇者餘月始來臨

清舒山館

辛丑

清是三秋最霽惟一念舒月餘忽過彼幾暇始臨予苔
徑尋今步芒憲展昔書伊人真薄福

承慶愧其儲

是處揔名清舒山館前堂額曰承慶乃
皇祖御書蓋以賜舊皇太子者也我

皇

祖何嘗不欲其承慶而彼自不能承
每一瞻仰惕然自儆亦以戒我後人

清舒山館書懷

壬寅

山館內書堂

題額曰承慶有深意存焉即景緬

祖聖蓋以居儲宮繼繩慎

提命奈何其福薄

庭訓弗聰聽去年曾有句期我後人做

去年題清舒山館有伊人真薄福

承慶愧其儲之句然後人視予予其敢不敬

先業苟微乖兆民或少病予罪其誰諉怵惕恒憂恟是用

泐長言偶來輒自鏡

賦得水匳 癸未

清舒山館裏精舍曰水匳清夜誰懸鏡水輪常在檐

當時邀月姊此日緬

軒髯睫眼卅年過寒光依舊恬

題舍德齋 辛巳

書齋額舍德每憩緬

堯歲俛仰禽魚趣無非精一心

神詮昔曾揭理境此堪尋永懋日新志如承師保臨

舍德齋 癸未

水貴有曲折山貴有環抱苟其無含蓄一往奚稱好書
堂山水間簷額緬

聖藻德何獨不然涵養期深造不敏請事斯竹素資探討

舍德齋 丁亥

複岫聚雲處

屋檐後有
書聚雲複岫山房扁

皇祖御
金風玉露秋有懷

皆入靜無景不澄眸大塊開生面

天文仰上頭至今歌樂利舍

德永貽庥

舍德齋

戊子

滿屋馥芸香書牕有縹緗與稽資汲古撫序正宜涼

思

去聲

知仁樂

軒文日月光萬年舍

祖德銘志那能忘

舍德齋

庚寅

已德不欲炫宋儒著涵養人德不欲忌包荒玩易象

奎章勒檐楣含之為義廣韓文更申論能含吉乃享齋額
當盤銘日新勵敬仰

含德齋

丙申

已德不須誇要在含而蓄人德不須忌要在含而育含
德之義大淑身治世屬書齋適在茲水抱山之曲即景
多蘊藉循名應佩服

堯章豈徒云武銘可同讀

敬題含德齋

己亥

書齋仰

奎文含德標簷際兩字具大端千秋

示深義為君撫宸宇其難守神器必有德可舍方致歌樂
利德豈易云乎愛民一言備勤心繼

前規永懷詔後世

敬題含德齋

庚子

含德垂

堯文所包義實廣在茲當言茲則我蒙

撫養舞象何知識成器叨

深賞即今佛仔肩敢忍孤疇曩雖幸未隕越惟益勵劬勞

舍德齋 壬寅


德有小人與君子舍殊致人及在已在已之德能自舍
是謂葆光誠善美我施以德致人舍堯舜病諸誠艱矣
有孚惠心貴勿問

向嘗為乾清宮五屏風銘有安民若何莫如惠施惠心勿問元吉易辭之句

蓋謂我施德惠非違道干譽之為而欲天下人之愛戴此非問乎此非不孚乎且九五為君位亦不應計及人之愛戴也因釋舍德二字
之義有會於此復申其旨 期他舍德亦私耳

聖人兩語所包廣欽瞻有會申其旨

戒得堂



戒得堂 清舒山館之東堂五楹南向

御題額曰戒得堂聯曰

祖德紹稀齡戒垂務廣聖言明要道矩仰從心恭繹
御製前後二記仰見

頤和養粹

聖敬日躋凡

聖祖引而未發之旨

數言繹思昭示無極所以闡精一之心傳廣帝王之法

戒胥於是乎在堂之後廡曰鏡香亭堂北層樓特起以待皓魄顏曰問月樓樓之東為羣玉亭其南有軒曰含古自軒而南為來薰書屋又南為佳蔭室室外俯臨流水有齋三楹與室相對曰面水齋

御製文

戒得堂記

唐子

孔子三戒之論朱子注謂以理勝之則不為血氣所使又引范氏之言以為養其志氣故不為血氣所動蒙引

又引新安陳櫟之語以為志亦定向於理志有善惡理無不善諸說繹聖析理亦既擇之精而語之詳矣我

皇祖聖壽望七時嘗欲鐫通用小璽命內廷翰臣擬文皆無當

聖意者乃定戒之在得字用之此語聞之張照蓋爾時伊在南書房裏行也然當時

聖意引而未發予今年亦屆七袞於元旦試筆即隱括此語為什茲駐蹕避暑山莊乃

皇祖朝乾夕惕用此璽之處而予受

恩之所也適作書堂於清虛山館之左即以此題額而為

記以闡

皇祖之義曰帝王之學與佔畢書生有不同則所戒亦當
各異未定方剛之戒茲不復論茲所戒者當在得矣而
得豈與庶人同乎欲得賢材而用之此可戒乎欲得億
萬年永承

天眷此可戒乎欲得寰宇安寧萬姓樂業此可戒乎欲得

五風十雨屢綏普徧此可戒乎若夫欲得貨財為瓊林
大盈金花內帑之私則是剗肉補創自速其亡之舉古
有明戒而戒及此其亦小矣因敬思

皇祖所云戒得者其在擴土兼遠之為乎擴土兼遠之不
已必有窮兵黷武之事我

皇祖雖征朔漠復衛藏非窮兵也不得已也予小子欽承
先志亦既平伊犁定回部靖金川擴土不為不遐兼遠不
為不備然非敢恃兵之強將之畧而窮黷以遂已之欲

亦惟是不得已而用之耳幸蒙

天助諸事順成今則壽登七旬亦既老矣尚何所不足敢
弗以

皇祖之戒為戒乎如是則先儒所謂志氣血氣胥不外一
理然此理實非佔畢儒生所得同而或有合於我
仁祖垂示萬禩之義乎

戒得堂後記 辛丑

戒得之義於前記言之宜無不盡茲後記何為而作也

曰前記之義蓋言其欲得茲後記之義乃言其已得欲
得者有形得與失任彼其過小已得者無形得與失任
已其過大茲後記之戒所以不可不謹不可不作也夫
已得則有形而吾謂之無形且曰任已而其過大者何
試以吾之所得者言之乎伊犁定回部靖金川不為不
遐不為不備是皆有形者然而消息盈虛之理滿損謙
益之機伏於無形苟有或渝復隍隨之故戊寅之歲作
勒銘伊犁之碑於凡栽培傾覆之道屯種萬里外非計

之得三致意焉至今亦廿餘年矣荷

天之寵疆宇日以安耕闢日以廣方敢言有形之得而吾
心之慄慄危懼於無形以戒夫或有所失而不能保其
得全之意豈謂此一記遂足以息吾肩而卸吾責哉亦
惟日慎一日以待吾歸政之日而已爾

御製詩

題戒得堂

辛丑

書堂昨夏始經營蹕駐宛看此落成攻匪庶民大雅異

戒惟老者魯論精庭餘古樹全鋪蔭堦繞新花自放榮

雖曰殷勤曾著記

皇祖聖壽望七時嘗鐫戒之在得通用小璽庾子駐蹕山莊作書堂

於清舒山館之左因題曰戒得堂並為記以闡皇祖垂示萬禩之義斯干爰處愧猶生

題戒得堂

壬寅

泐筆壬寅尚欠詩山莊蒞止已多時曾無

義畫高輝字

是處為新構故無皇祖御書

宜有藐躬祖述詞

見堂雨記

鮮庭莎綠猶淺雲生峯樹白徒披即今亟望甘霖得此得又安能戒之

欽定四庫全書

欽定四庫全書

三

問月樓 辛丑

室宇近東山見月遲他處因之置層樓幾

去聲

以先瞻顧

假使登西山先斯早亦固自笑同孟語五十步百步問之意在茲青蓮非所慕

問月樓 壬寅

東嶺鬱嵯峨高樓出樹科每因先見月最愛俯臨波弗計滿和半多供吟與哦如誠云致問不離

應作去聲
讀見月令

云何

來薰書屋口號 辛丑

書屋來薰額棟虹每來亦必值薰風五絃揮處歌解阜
翹仰重華廻莫同

來薰書屋口號 壬寅

清泠書屋玉壺冰避暑真稱此絕勝風自南來正薰也
解吾民愠又何曾

佳蔭室 辛丑

有堂斯有室顯密要相資曼轉步廊接窈深憩席披就

喬

樹也山莊多古樹每就其下為室致古趣而得佳蔭

為小築得蔭實偏宜幾暇

無煩暑怡哉學古時

佳蔭室

壬寅

邇日炎蒸劇都因勿雨然室猶嘉蔭下牕啟爽風延不必揮羽扇耐堪披嘉編摘詞惟望澤此是我心懸

舍古軒

辛丑

軒弗設牕櫺而此牕櫺設支則延爽涼閑亦足幽悅掃架有芸編坐可閒翻閱是中舍古意味之趣無竭

面水齋有會

辛丑

臨水構書齋水光漾牕裏觀瀾豈不佳而却蔽糊紙因
之設玻瓈透明無隔矣有魚任潛躍有鷺任立起即今
生秋風涼亦避席几障而弗致礙可以契禪理

羣玉亭

辛丑

山色四鄰曲逕通翼然亭子宛其中設如策府方羣玉
枕蓀興心亦不窮

題鏡香亭

壬寅

戒得堂後廡臨池荷花盛開因名之曰鏡香亭而
系以詩

堂陰半畝方塘鑿此鏡由來不藉磨底事座間香撲鼻
知因亭畔籟吹荷馥馥非葵沈檀鼎紅白是鋪錦繡窠
設以花中擬君子得之豈合戒其多

得趣室

大食玻璃牕牖糊千巖萬壑景來輸坐看卷畫無窮趣
得自他乎得自吾

詠戒得堂牙刻九思屏


壬寅

書堂接軒廡因敞設清防牙刻鷺乾數

鷺鷥數九蓋圖寓九思之義

兼蓮萃芳前三詮以補後九寓誠良終日得思義原同
戒義長

春好軒



春好軒 萬樹園東南濱湖軒五楹

御題額曰春好軒嘉樹駢羅文石碁布當

清蹕經臨多在夏秋而麗景暄妍和風韶暢萬彙熙
怡如在恒春

化字中也內楹額曰花際霞峯聯曰上塞寄遙情煙雲
入畫南榮開勝覽花鳥知春後為永佑寺浮圖撐
空影在庭際軒後一亭額曰巢翠亭

御製詩

春好軒 丙子

年年清蹕傍秋巡那值東風入座新
忽笑拘墟寧謂是階前榮者豈非春

春好軒 巳卯

地是恒春地莊原無暑莊仙林萬古秀
真卉四時芳送語禽如識躍潛魚不忙
文聰虛且靜敲句坐因長

春好軒 庚辰

清暇偶憇文軒標題兩字堪論依然
甌香硯淨而無花

馥鳥喧落葉亂填書帙鳴鹿已懶苹原

鹿過時則不鳴

莫謂芳

菲節遠貞下行將起元

春好軒有述

辛巳

元為四德長仁實四性君以此言四序了知都是春
衡臯構廣軒棟宇樸且淳每來雖凜秋生意常懷新猶憶
孟子言萬物備我身藹如可云息盍若當以純願言敷
惠和躋臺薄海民

春好軒題句

壬午

四圍錦簇霜枝麗一院芳含秋卉新都道仙莊稱避暑
寧知勝地有恒春能言鳥起閒翻影入夢蝶來香滿身
萬物熙熙遊化宇至今總是戴

堯仁

春好軒題句

癸未

秋則常來夏偶居冬曾駐為

去聲

宴員渠惟餘春未六驕

到默識元為

平聲

四德初樹張

去聲

葉皆由英始花彈苞總

覺韶如義經註出真消息不用韋編更展書

春好軒 甲申

春好如何好好於想像中每來率秋月亦自有花紅萬
物一生意四時總化工定期目擊者寧不付東風

春好軒 丙戌

花開花落自春秋繞砌繁英灑露稠試看蜂忙與蝶亂
寧知時序有遷流

題春好軒 丁亥

天高氣爽湊蕭晨繞砌繁英灑露新軒外又憑七月景

胸中常養十分春
蝶薰翅紫花間栩栩鹿戴茸黃林際馴
鹿角戴茸黃色尚未出尖則不甚肥必
俟秋深氣涼然後牝牡合羣可即鹿矣
意无虞慢擬傍巖巡

題春好軒

壬辰

今年先到逮半月已是東皇駕早還訝是虛名題玉額
每教過節叩雲闕三庚散步渾延爽七字搜吟聊趁閒
菊放九秋荷六月春光無日不人間

題春好軒

己亥

早來或夏遲冬偶恒此當秋弗遇春問我一言何謂好
曰他四德首惟仁胸中常養十分盎砌下試觀衆卉閭
生意各懷即元長

上聲

其間責實已名循

巢翠亭

丁丑

喬柯翁蔚一亭幽雲海中間不繫舟謾道秋風紛葉落
檐間意足翠陰留

巢翠亭

己卯

灌木嘉陰翠尚濃虛亭聊且失千峯前年惜翠心何似

丁丑詠北亭有漫道秋風約
葉落檐間意足翠陰留之句
流水行雲勒壁踪

巢翠亭口號

癸未

喬木千尋疎落落翠如圓布綠油幕凡禽其杪安敢棲
只宜放出籠中鶴

巢翠亭即景

甲申

重翠陰中一笠虛巖棲訝可喚巢居斯之絜矩未能信
風俗何曾太古如

巢翠亭

丙戌

喬樹四週圍一亭在深處秋來翠尚濃佳陰綠雲布習
習時奏籟泠泠亦滴露森森既愜望寂寂還澄慮即境
擬巢窠可似香山悟

巢翠亭

壬辰

蓋影喬林萬葉交虛亭擬喚翠雲巢坐來九夏多寒意
那更唐詩讀孟郊

巢翠亭口號

己亥

葉雲濃佈翠婆娑安巢意無殊安樂窩遐想穴居野處世

一亭猶覺此為多


巢翠亭 辛丑

喬樹中間八柱空
翠雲櫛櫛護籠蔥
巢居雖以為亭額
慚愧時無上古風

巢翠亭 壬寅

雨濯林枝萬翠交
良禽擇木穩而巢
虛亭却似不相讓
無意其中有意包

靜山房



靜寄山房

環澄湖踞平阜邃宇穆然淵靜門南

向榜曰月色江聲中為靜寄山房聯曰雄筆振清
詞追賞得煙雲之趣佳辰逢勝景乘閒探邱壑之
奇軒網虛明簷楹清寂又內為瑩心堂額曰閒止
聯二曰自有山川連北極天然風景勝西湖曰取
歡知仁樂寄暢山水音又內為湖山罨畫聯曰水
當牕面天然白山接林端分外青並

聖祖御題山房宛在水中而旁環萬峯以靜寄名者歸動

於靜合知於仁伏誦

宸篇人生而靜天之性山古以深日亦長

聖心寄託悠然如見矣

御製詩

靜寄山房 己卯

碧草白沙步野塘槐陰還有讀書堂人生而靜天之性
山古以深日亦長那慕征僑學仙術惟希周孔養心方
霄題咀嚼義彌永縱覺瞠乎敢不覆

靜寄山房 辛巳

六根意無定出入刹那頃與其寄於動寧教寄於靜靜
固不在外亦頗觀乎境不然佛成道奚在明星耿山房
翠微間而帶清溪洞花木脫凡姿禽魚契平等大圓鏡
智中吾將事清省

靜寄山房四題 辛巳

假山

翠扶青蔚園屏顏那藉疊石於其間信知小許勝大許

誰云假山非真山世間真假已紛矣
秦葉湏彌寧繫此却看巍然幾岫中
時有英英白雲起

魚磯

列谿之魚鮮且碩坐磯學釣藉苔席
得魚固佳否亦可意在山青與水碧
呂望釣得為公鄉嚴光釣失仍得名
擲竿大笑非吾事不如放去任闌萍

秋英

我愛秋英勝春英春英木本秋草本
草也猶能芳颯時

固勝木逐韶華遠堂前堂後羅丁星冷黃悽紫難為名
山蝶入叢看不見飛上研山蒲案馨

檀梨

山中有檀秋已熟閒庭自落聲簌簌野果含霜味亦佳
何必張公珍大谷朔桃期棗總虛譽鳥啄鹿銜那禁渠
英嗤傖父饋酸味酸味回甘甘有餘

靜寄山房

癸未

山房却在水中央緬想

當年趣寄長詎獨塵祛清淨界真教道愜知仁鄉成陰喬

樹天然爽過雨閒花自在香謾說田盤此數典

盤山十
六景總

名之曰靜
寄山莊會心何處不

美牆

靜寄山房

丙戌

軒楹臨水裔水在萬山中不盡智仁趣由來氣味同

至人歸靜寄百世仰

鴻功試看靈臺闢寧因遊賞攻

靜寄山房

士寅

向浦碧波臨循隄芳徑尋靜專玩周易寄勝仰

堯襟釋躁蘊醇粹含虛悅湛深田盤此數典肯構永銘心

靜寄山房二詠

上末

月色江聲為避暑山莊三十六景之一其中堂扁

曰靜寄山房

皇祖御書也敬成二律以志景仰

纔見鍾峯側忽升璇宇空萬方舍一照卅景與俱融

三十

六景舉
成數也

塞樹標丹綠野花紛紫紅色皆有所藉月固不

居功露共

堯年灃魄懷謝賦沖千江歸至靜那論印來同

右月色六韻

河水非江也江聲到處流西岷寧地限武列有川悠觸
石響隨作落灘韻未收五音足概耳六律可同不喻鑑
思唐語觀瀾娛

舜眸遊波去無寄無寄却是留

右江聲六韻

靜寄山房

丙申

山館別清舒山房臨靜寄無過一溪隔過橋數武至歲
久庭樹喬雨後樹陰翠葉蟬無躁音藻魚有潛意率足
靜以觀而寓寄之致

靜寄山房有會

己亥

山房額靜寄

聖藻義仰尋寄靜意猶小靜字義實深寄於靜為逸片時

圖娛心靜亦寄應會兩儀互為斟酌之寄易知靜之寄
難謀設能體靜寄大公因物任是具陰陽撰詎悅山水
音

題靜寄山房

庚子

山莊無不靜是處靜無過遠俗遙遮嶺澄懷近繞波最
宜讀周易況值幸時和寄興非關動

神堯詔我多

瑩心堂

乙亥

煙波淡以如

奎藻光猶宛繹思惟服膺將為出治本

瑩心堂

戊寅

疏榭碧湖中澄觀若鏡空最堪窮理趣可以令機融望
去寥蕭野披來颯沓風一輪端正好朗照此心同

瑩心堂

己卯

秋湖四面古堂深

寶額雲楣號瑩心政本不惟操治鏡理源兼可滌塵襟波

涵玳箔虛無色風入霞衣萃蔡音

臨董書看原勝董

堂中
筆臨董書猶存

皇祖御
敬思

當日惜分陰

瑩心堂 庚辰

平湖候冷碧波凝颯灑冬堂又絕勝自是瑩心多好會

那更平真對玉壺冰

瑩心堂 癸未

塞水匯成湖軒堂湖上圖印心澄到底謀目趣偏殊鏡

裏真如是旃摩那藉夫敬窺

題額意出治寓深謨

瑩心堂

甲申

萬機惟一心堯典曰明欽譬以旃摩鏡猶之模範金虛
堂池上靜秋水面前臨翹首瞻

奎畫

聖人詔我深

瑩心堂

丙戌

堂圓綠水瑩心清
樹態山容漾影明
欲效冲虛為鑑照
妍媸祇任物來呈

瑩心堂丁亥

碧靜林堂淥水潄

義文觸目玩辭深
緬懷

四海規為鏡敬識

千秋照在心

思擬汪洋垂自昔
繼勤夙夜勉從今
山莊歲歲聰聰近
豈

是無端為

去聲豫臨

瑩心堂

水心構書堂即以名瑩心堂瑩斯誠易心瑩義實深苟
非體危微率為去聲私欲侵一指蔽當前泰山不見岑動
靜貴交養內外胥用欽

奎章每敬繹

昔訓恒垂今

瑩心堂

癸巳

青山遙映戶碧水近紫門花錦麗非艷松濤靜不喧江
淹衰間詠樂廣傳中論方寸常求瑩斯為出治源

瑩心堂

丙申

四面水圍鏡一庭山敞襟書堂幽致靜暇日步延尋會
意道堪味循名實可吟瑩心思治理

睿藻示人深

瑩心堂

壬寅


塞垣艱致水此處水周堂心喜清波瑩目飲

聖藻煌月臨真澹沲風入總文章澄志非無事萬幾靜答

忙

烟雨樓

一



煙雨樓 如意洲北舊名青蓮島建樓五楹

御題額曰煙雨樓聯曰百尺起空濛碧涵蓮島八牕臨
渺瀰澄印駕湖樓四面臨水一碧無際每當山雨
湖煙頗增勝概嘉禾咫尺宛在中央樓外青楊蔚
蔚構屋三楹曰青楊書屋山頂有亭翼然曰翼亭
溪傍構齋與青蓮島相對曰對山齋

御製詩

題煙雨樓二首 辛丑

攜圖去歲興工始斷手今年歲事勤數典可知自元璋

賡詩更以憶陳羣

岫雨樓本錢元璫所創為嘉禾勝蹟向年南巡屢次經臨時錢陳羣在籍

賡和頗多樓中並有陳羣書趙孟頫耕織圖詩屏

最宜雨態煙容處無礙天高

地廣文却勝南巡憑賞者平湖風遞芰荷芬

十五年達煙雨樓昨春未免借情投雖然寫景原藏弄

去歲寫煙雨樓圖一貯內府一存浙江茲于山莊內肖圖為之莫若肖形可詠遊底論

南吳及北塞敢忘後樂與先憂憑欄俯視清泠鏡武列

鴛湖異水不

煙雨樓四詠

晴為煙則陰為雨
幕實浮空淡蕩然
盈手無形還不濕
試噓分半又凝全
飄飄初自鼎頭裊
漠漠旋從簾角連

承德朝炊萬家起

熱河自
烟火隨民便之句

皇祖肇建山莊有萬家
將百年樂利

貽庥屹然京
北一大都會矣

至今樂利沐

堯年

右煙

大斯霽霽細霏微
總助樓中潤景祈
春望其興恒未至

春多望雨時尚未至山莊也

夏愁已甚冀無違宜常雁塞豫而樂此

似鴛湖是也非暑雨自多怨咨者思艱每用緬

前嶽

右雨

青蓮島本水中央石刻三言

聖藻煌

是處本名青蓮島煙雨樓即築於此

接壘假山因綴景相資高閣作

清防玲瓏頗具邱壑勢咫尺寧勞筇屐忙掩映四隣真
者在不知孰幻孰為常

右假山

借詢樹以若為真獨十八公名亶循駐島應從疏仵代
得朋惟有大椿隣煙恒冬亦雨恒夏月自秋而風自春
摩詰後生猶絮語奚稱種作老龍鱗

右真樹

登煙雨樓即景

為喜嘉禾樓望意構樓玉塞俯澄瀛適當煙雨呈暑景
便拾級梯攬潤情去歲巡南因宵北今朝責實果循名

循名可耳無須甚時我心中正盼晴

題董誥煙雨樓圖

素壁詞臣命寫圖遂看即景貌鴛湖是煙是雨真無定
為北為南了不殊何必避嫌云著相果然入妙協清娛
春巡昨况分明在依戀民情畧繾吾

寫煙雨樓圖用去歲煙雨樓圖詩韻

此亦弄懋
勤殿者

曾兩圖臨米

昨歲仿小米為煙雨樓圖凡二
一弄嘉禾本處一弄懋勤殿

忽忽已過

時茲於塞之浙亦復畫而詩那辨異同鏡都饒煙雨絲

函三原是一舊韻偶廢之

煙雨樓對雨 壬寅

西南雲起有雷鳴
眨眼天中靈雨傾
豎灑橫排函暢意
繁弦急管莫形聲
八牕那得珠簾捲
四字紛披銀竹晶
畧釋渴憂生逸趣
高樓今日善循名

煙雨樓晴望

七月
朔日

壬寅

新秋今日逢月朔
月朔晴占一月諧
便與登樓聊騁目
可知霽景正開懷
鍾峯帽嶺縱橫影
蓮島鴛湖借助佳

欽定四庫全書

何必循名曰煙雨八徵洪範駐無乖

煙雨樓秋望

壬寅

玉露金風爽素秋
聘懷更上一層樓
千林日閃畫初展

五穀雲黃寶速收
鶴意喜高駐空吟

山莊之鶴清曉每飛鳴雲際而翔集

不離本處蓋鶴喜高
空而栖止有定也

鹿聲試朗出巖叻
羸他攜李惟春

望豈識山莊澄景道

青楊書屋

辛丑

塞上之樹多青楊或亦名之為小葉間可拔枝干青雲

亦不知經幾千劫適構書屋於其下蔽虧天日森埤塹
曰古寧非牧馬場曰今乃半攤書篋文何幸武何弗幸
喬枝率附兩無涉

青楊書屋

壬寅

玉塞青楊殊白楊櫛櫛銀雲葉獨小其下樸屋構三間
樹老因之屋亦老太古以來風月枝秋與吟蛩春與鳥
却笑建木及靈椿等閒名被人間曉

翼亭

辛丑

峻巘入巖扉綠梯上翠微假山真結構四柱據巔巍
歐曰有翼臨劉云無翼飛於是有無間吾將觀其樂

翼亭

壬寅

山頂有亭臨翼然聚名遂與額楣懸由來惡旨殊六一
却以樂深擬智仙

青蓮島歌

辛丑

山莊舊有青蓮島峭峰三言泐

聖藻借問島上何所有千年之松五色草詭石破礧坡曼

延襟帶塞湖波浩渺塵跡不到舟可通方之蓬閣奚通
藐我欲肖為煙雨樓相度無如此地好飾云肯構何敢
當景仰高山樸為寶作歌敬詠青蓮島

佛口所宣

佛手拈一部華嚴真義了

對山歌 辛丑

煙雨樓傍構溪齋面面波光暈紗牖而我名之曰對山
對山之義人知否齋前堆石頗璵璣如堂如霍如岡阜

雖非取於太湖遙塞巒為我藏斯久取之無盡用不竭
明月清風與共友粗皮詭質戴蒼苔樹根受氣仍盤糾
待其抽枝並發葉何異四隣舊林數彼以大稱此小勝
真何必是假寧否坐向屹嶠一蹶然聊學叅軍為亭帚

對山齋 壬寅

山莊無處不小齋而齋對山特名此却非崇岡峻嶺叢
青蓮島上數峯耳詭石玲瓏假借堆久假不歸則真矣
大者勝弗如小勝濟者勝應悟是理

欽定熱河志卷三十五

欽定四庫全書

史部

欽定熱河志卷三十六

詳校官編修

臣曹城

檢討

臣

德生覆勘

總校官舉人

臣章維桓

校對官編修

臣戴心亨

謄錄監生

臣陶嗣曾

欽定四庫全書


欽定熱河志卷三十六

行宮十二

綠雲樓

創得齋

綠雲樓



綠雲樓 越湧翠巖有樓聳峙地當西峪為瀑源
所自出深林修翳綠影參差疊嶂層雲滃然四合
額曰綠雲樓聯曰泉臨香澗落峯入碧雲高旁三
楹虛敞隱映樓畔額曰木映花承聯曰風裊爐煙
移晝漏月臨書幌正宵衣又前三楹額曰水月精
舍聯曰空澄正印虛明體搖漾又宜流動情並
皇上御題西南與珠源寺近水月清華翠洗山光鏡澄
林影耳聆目遇誠造物者之無盡藏云

御製詩

綠雲樓 庚辰

就崖構精舍出樹得高樓
騁望天無際憩身雲上頭
拂簷鳥影瞥隔谷鹿聲呦
自是常如此我來興偶投

再題綠雲樓

初來綠樹蔚層甍為愛新樓輒命名
一月往還看突兀
恰隨天末與同征

題綠雲樓 辛巳

巖齋領要即如樓況是真樓在上頭澗葉密枝皆蔚翠
朝嵐夕靄却澄秋心閒乃自雲閒得逸趣都因綠趣投
何必沈家誇八詠千年風月占興州

綠雲樓

壬午

出樹聳高樓綠雲尚爾稠蔚青俯足底繚白見山頭愛
此非為雨憐他幸傲秋何來紅數點不擬再迴眸

綠雲樓

癸未

小樓臨樹杪萬葉正縝紛高處原無暑俯來總是雲松

風涼颯沓花露氣氤氲棄日觀書史思哉尊所聞

綠雲樓 癸未

書樓拾級意為欣
斂盡秋雲俯綠雲
恰展韋編讀初六
謂應陶侃惜加分

綠雲樓 甲申

小樓峭崖巔崖高樓並迥上下一綠間恰似雲垂影弗
雨雅宜晴含風亦惟靜鹿蹤暎日迷鶴聲依露警開窗
因展書趣在羲皇境

綠雲樓 丙戌

樹葉猶然密似雲
秋暄濃蔚綠氤氲
何當頃刻為霖雨
菜圃蕎田望正勤

綠雲樓 丁亥

秋前密葉尚敷紛
試上書樓俯綠雲
正喜千林翠如滴
誰教一縷白仍分
近帷已潤苔青色
遠嶠還封螺黛紋
祇有鹿聲藏不得
呦呦時共隱芝聞

綠雲樓 戊子

綠樹傲池近遠岡翻風葉葉送微涼山田遙見邳方者
却喜雲容欲作黃

綠雲樓 己丑

豈礙雲閒去不留山樓猶俯綠浮浮非緣貪看林嵐致
涼送清風滿意投

題綠雲樓

近嶺遙峯濯黛紋雨收花木衆香聞乍來今歲如昨歲
飛去白雲餘綠雲樹密傳聲禽喚侶泥融留蹟鹿過羣

山田早晚都占稔登眺因之意亦欣

綠雲樓壬寅

天上雲間候山中雲尚稠四隣全是綠三架恰宜樓日
處色無定風間韻若流塞田又殊致黃染欲登秋

題綠雲樓癸巳

層甍擬崇嶺乘暇試登樓始訝俯雲表旋思出樹頭界
來白微遠望去綠還稠底事頓生戀西風已報秋

綠雲樓甲午

莫謂雲閒矣斯雲綠重不綠圍羣嶺腹雲接遠峯頭級
始今朝拾句應五字留到來過平聲兩月虛擲笑何由

綠雲樓 乙未

夏木方張王

二字皆去聲

山樓未寂寥三間恰臨迴一碧直

連霄肯使豐隆擅還羸王母謠天風與流盪解令暑全
消

題綠雲樓

丙申

巖樓出樹枕層椒橫嶺豎峯拱近遙却是仙莊到彌月

纔教迴級拾今朝昨平新句成陳跡一晌幾餘樂景撩
忽訝丹邱如可遇遨遊原在碧琅霄

綠雲樓

己亥

樹既幻稱雲雲復幻稱綠綠本非雲色雲豈真樹族是
因假藉名非有惡知本真幻及是非惟偶託名目萬事
似此多欲數上聲難更僕

綠雲樓

辛丑

迴廊曼轉接書樓萬樹傑池翠欲流咨爾綠雲莫張王

二皆
去聲 可知時節已新秋

綠雲樓 壬寅

巖樹雖高樓更高近林遠樾景無逃綠雲設與山雲合
嘉霽即應大霈膏

水月精舍 庚辰

精舍花宮側襟崖復帶溪松風亦常聽水月乃全提千
一何分合虧盈總覺倪憑觀綫擬議魄影倏橫西

水月精舍

冬月颯可憐塞水寒未凍巖齋一再登俯暢誠堪弄心
掬不以手鏡光翻在揀冰魚潛罷躍谷鳥吟猶弄聖教
標清華因之緬鸞鳳

水月精舍

辛巳

月是中秋好水當白露澄因緣真罕遘俯仰恰茲憑朗
照大千界飛流百道冰花宮畔精舍靜對佛心燈

水月精舍

壬午

臨水有山崖崖巔小築齋波心常得月座上恰宜懷半

滿都無礙古今鮮並佳六情淘洗盡剩祇靜因皆

水月精舍

癸未

月在天中水在湖不離不即那同殊謝他恒印千而一
到此堪知有若無且喜小年風自爽漫言清夜景常孤
亦思駐久應偷暇試證分明或可乎

水月精舍

遲開隈畔舫且坐嶺標居仰見天心皎俯合水面虛今

朝名實副前月約期如

適作有亦思駐久應偷暇
試證分明或可乎之句

何事

曾叅指綺言習未除

水月精舍

甲申

水本月所生月復水中含精舍據巖標得一還兼三我
來每值畫清華曾未覘咄哉循色相了無契理談

水月精舍

丙戌

尋常豈不往來見為在巖端到却掃亦以致佳故多處
因之返已頻知非澗邊水映座無滓松下月臨牕有輝
詎獨清華滿襟袖神心直欲契精微

水月精舍 丁亥

巖上書齋俯澗溪水聲月色帶高低幾曾佳夕頻探景
祇趁餘閒偶覓題貞觀去聲兩言出想像南華六卷識端倪
倪清宵試問饒何物沙岸紛紛印鹿蹄

水月精舍 戊子

丹崖俯綠水精舍築崖巔秋仲方言到西南新月懸清
華連上下適意泥蹄筌元奘勤詮擇安知指上禪

水月精舍詠新月 己丑

架屋據壁巔開牕俯溪面秋水正澄清秋月復新見影
未深林飛光已真金鍊圓固上下圓半亦上下半雖然
全體在示沖偶隱現

戲題水月精舍

壬辰

精舍迴臨巖上頭野灘潦水漱巖流一彎新月浮波委
邨識人間夏與秋

山莊彌月此初來來亦非逢水月皚題額檐端似虛設
笑予竟屬若為哉

水月精舍 癸巳

精舍臨石壁塞湖濔壁根名之曰水月崇情寓文言偶
來每即去夜景非所論付與玻璃牕虛明恒此存別有
會心者輪匡未留痕

水月精舍 甲午

西日欲下山弦月正在水虛牕所恒見而我偶值此浮
光接清華妙趣舍至理誰知流盪間屈指中秋矣

水月精舍 乙未

峭壁十尋溪帶底上築精舍俯清泚名曰水月已有年
春魄秋蟾恒在裏我惟偷暇偶一臨幾曾玩彼影娥笑
軒楹真是善循名我所見乃虛名耳尋思若此者多矣

水月精舍 丙申

精舍溪邊構翠微俯臨遠眺興適飛三間雲閣清舍潤
四季冰輪朗映輝看鹿遊寧關遠害同鷗狎那藉忘機
茲來更有便宜處籌筆無勞月下揮

水月精舍

己亥

巖頂架精舍其下俯溪水溪至此而寬雅稱銀蟾委豈
必泛舟常祇須倚牕綺然而於月夕則從未憑此如是
何為名寓意而已矣

水月精舍

辛丑

精舍據屈屈一灣碧水披對宜月光皎來每午過時祇
自存其意因之屢有詩然而牕俯際非即亦非離

水月精舍

壬寅

平岡上構舍其下臨碧水水與月契反題額乃所以然

必當夕遊方可領其美我則偶乘興日中率蒞止是乃寔孤名曰寓意而矣

欽定四庫全書

四

卷三十六

創得齋



創得齋 西峪最深處踞山為屋三楹曰創得齋
其後右偏為樓三楹額曰夕佳十峯夕照義取陶
詩前小樓二楹曰枕碧室內榜曰一塵不到門外
長松疎肅石林嵯峨悉成行列蒼顏古色罩絡羣
峯之表岫壑冲深礪橋宛轉每

幾餘攬勝即景會心妙趣當前都成剏獲矣

御製詩

創得齋得句

庚辰

去年即鹿至山陰詭石蒼松悅可心
小築書齋稱創得
欣逢秋日此經臨軒楹雖早胸中寫
圖畫真從物外尋
記取拈毫竅初句從今有暇便來吟

再題創得齋二絕

巖齋創得可人心幾暇重教策馬尋
不是無端適遊興
邇來性漸喜山深

石橋幾轉沿山澗雨後淙淙響暗泉
萬綠叢中拾級到
齋窻俯挹樹梢煙

初得齋

庚辰

入山不見墅到墅忽臨山依古松為幄疊蒼石作闕既
深斯悅性惟靜可怡顏阿那丹臺表容成想像間

戲題創得齋

庚辰

初得景得創頻來輒有詩民焉寄淳樸吾尚愛新奇風
嶺松落子霜砌鹿引兒自然塵俗遠心與許巢期

創得齋得句

庚辰

溪山深處愜幽探礪道頻驅小步騫人面峯開墅忽到

樹頭樓出景全含
掀籠放去冲霄鶴
捲幔招來落嶂嵐
五度經臨詩六首
笑看叔得作陳談

創得齋

辛巳

松下石門僻巖端
栢棟深初來即創
得觸目總怡心山
靜有餘趣秋雲無
定陰經年彈指頃
應與暢幽尋

再題創得齋

辛巳

昨歲初得齋即景
名以創前日乃重
來額已題簷上今
朝復著句熟處誰
能忘創得自千秋
日新無故狀

再題創得齋 辛巳

路轉峯迴得石闕巖齋小坐眎秋山目同碧宇朗無盡
心與白雲散以閒暖勒疊林猶綠綠潦收幽澗尚潺潺
來經慣矣疑始相遇信有移情是此間

創得齋 壬午

了知深谷有山房策馬西峯下夕陽今歲初來即創得
昨秋熟處已將忘鳥吟花笑自餘樂月白風清無盡藏
婪熟固欣宜晚稼愛他嘉蔭亦乘涼

創得齋 壬午

創得得三載每來輒愜情巖松作屏障澗水奏笙幽
籟千般謾夕陽一片明奇觀又始遇覺未負斯名

再題創得齋 壬午

小憩永恬居言入西崦路林霏繚而深一步奇一步澗
餘九夏冰峯有千年樹山齋遠不見石門近忽遇創得
真創得勝槩紛來輸萬景供平聲知新五言當去聲溫故

題創得齋 癸未

知有幽齋倚碧岫山蹊熟路可遵循由來創得成先得
一切名言底是真

石門進更步松巖靜色寒聲迥不凡誰道山中能駐景

午峯日影訝西銜

再題創得齋

癸未

野橋繞過石門遭仍步丹梯百級高塵世煩囂那許到
祇聞謾謾泛松濤

鶴依階側鹿牕前借問斯為幾洞天却笑劉郎非解事

勞勞海上去求仙

度西嶺遂至創得齋

癸未

登高一步艱就下片時易過嶺未逾刻山齋業已至構
築弗擇向隨宜為點綴不入水衡度乃具巖居致階前
有古松盤盤嘉蔭邃小坐屏諸營以觀萬物備

題創得齋

甲申

石門重此步清秋齋室猶然峯上頭庭際松排若張蓋
階前雲布訝乘舟愛山不盡供詩料樂水惟清與性投

一晌徘徊旋復去祇饒粉壁又題留

初得齋
乙酉

仲秋候覺涼度嶺向西陽數武巖齋是隔年別興長不
頻來即朔有所得應償歷歷壁間什耶因驗景光

過西嶺遂至創得齋 丙戌

梅檀林已據崇椒西嶺明知路匪遙事半功因命駕
秋清夕照此憑寮今朝重得寧非創去歲迴思亦若飄
箇裏定當有仙在不同道耳笑難招

再題初得齋 丙戌

卷三十六

階下亭亭松作蓋故應涼蔭滿庭中
銜光更見西峯日
送爽偏來北牖風
一陣花香引煙螺
幾叢草細唱秋蟲
誰云創得得已久
佳興番番致不窮

肩輿至創得齋憩坐得句

路入深山更向西
心儀創得一攀躋
遵其徑曲觀其徼
知我松喬盡我僊
拂座有風皆颯颯
霑衣不雨亦淒淒
今秋又此初吟句
原未楣間負却題

入谷遂至創得齋

戊子

今朝值偶暇遂擬窮幽賞西崦有山齋經年結予想沿
緣蘿薛逕熟路攀而上喬松遠即見樸屋近猶仰到來
一撫榻衣袂為之爽三幡忽欲息十笏尚疑廣底事云
創得率以忘已往

由西峪遂至創得齋因題句

己丑

尋勝巖蹊乘夕涼已踰半月駐山莊明知創得非新得
熟處難忘却易忘納嶂窻中猶菴綠種松階下漸成蒼

年來結構微嫌富，即景雖欣愧不遑。

遊創得齋得句 庚寅

永恬居西北，去入谷乃創得

齋

以其極幽隘，不數

入聲尋

路仄今朝至，山居斯則近。咫尺半途而即迴，山靈笑孔
棘谿壑歷數曲，趣已殊。胸臆人面起，峯棱石根出。泉液
初訝向未逢，徐悟夏霖積。琮琤珠玉滴，隱現雲巖泐。其
色固無定，其聲亦誰識。韶韻廟堂韻，非也仙樂格。所得
又為創五字，弗能默。

創得齋 辛卯

石溪往往響流泉
泉盡峯迴門面前
誰謂山齋得已久
今朝又創豈非然

高下巖松翠蔭籠
後凋不改鎮童童
於斯漫擬得非創
亦有新責鬣與鬢

創得齋 壬辰

兩峯夾路極崔嵬
一月餘茲始到來
齋與秋光皆創得

可能不為

去聲

小徘徊

谷繆山縈不易窮永恬已在半途中途退而弗進實自畫
率可悟夫為學工

澗葉巖柯翠潤披新紅一點綴高枝拈毫觸目皆新會
却是常年得句時

創得齋作歌 癸巳

翠重青邇相縈糾尺寸殊觀蔽林阜石泉可聽不見形
山嵐欲把還盈手丹梯宛轉歷百層澗橋過處豁崖口
喬松之下見書齋創得非創得斯久僕人攀陟無乃勞

坐以撫帖聽憇取欲聞花馥近臨階為納風涼敞開牖
好鳥選樹緩緩鳴馴獸遵蹊款款走委宛窈窕廓而深
由來是我藏詩藪

沿嶺降創得齋再題

自東而升齋據上由西以降齋居下西北高而東南卑
山河萬古形非假茲升西北降東南齋在嶺腰固卑者
因知鎡基必待時前番攀陟為勞也

再題創得齋

松下山齋倚翠嶠，弗頻至以棧蹊遙。小遊適喜仲秋暇，

歷數應過十九橋。

自瀑源口至此溪谷縈紆凡過十九橋

咫尺懸居開月

宇，沈寥蕭景會晴寮。西成有望軍心定，

今歲各省奏報約計秋收分數

均在八九分以上可慶屢豐而軍營自阿桂全師退駐翁古爾壑豐昇額仍駐宜喜軍心大定只候新兵續到為收復小金川及進勦金川之舉

略得閒情韵句調

創得齋六韻甲午

肩輿入山逕喜靜，不言長曲約。泉鳴隱深林，風度涼便
因排石戶聊與憩。松堂碧宇流雲活，青楓過雨香今來。

實初得昔去合相忘却笑餘結習閒中摘句忙

肩輿至創得齋因而得句

乙未

永恬至創得已占途之半事半而功倍豈必中途返叶

肩輿遵巖蹊宛轉形常換左溪右則山右岡左必澗峯

迴水流處率有板橋貫如是歷數橋

自永恬居至叢
得齋凡十橋

巖

齋前忽見一以憇僕役一以試筆硯峯態與林姿續情

供几案然宜祛藻辭拂牋弗輕讚

至創得齋小憇因題句

丙申

肩輿更向西聊乘片時暇峯迴路屢轉峽陡泉常瀉入
深益窈窕步仄頻上下巖齋亦已到綠陰茂松架謾濤
送微涼於焉憩敞榭泠泠聽漏聲隙影弗少借去歲所
吟句壁間陳迹訝

創得齋丙申

麗正門前送

駕還

九月十二日命皇子等奉皇太后啟鑾緩程而
行留駐至十六日啟程於廿二日同聖母還御

園是日在麗正門前
恭送循近年例也

三朝留駐趁幾閒野橋幾曲巖齋

到紅日一窻木榻閑舊得偶來即創得夏山閑罷是秋
山壁題瞥眼廿年事石火流陰默對閒

創得齋得句 己亥

今朝有餘暇便擬入山深風日宜新霽峯巒是故林肩
輿陟雲磴坐榻俯瑤岑耐可稱得創句餘始一尋

題創得齋 庚子

連朝快霽棧蹊乾遂命輿尋勝看巒壑漸深恆攬結
齋堂宛在得盤桓今年此日目為創碧宇無雲適與寬

西北金山近咫尺

山在牆外西北為金山東北為黑山
皇祖詩所云乾地金山坎黑山

也翠煙含照罨簷端

創得齋

辛丑

永恬居更向西行岡路威紆最有情
幾轉石溪淙細瀑
千章峯樹晃新晴
蝶尋露蕊常翻影
鹿食秋草欲試聲
駐蹕山莊將兩月
創來得句副其名

題創得齋

壬寅

意行茂翫密林穿
豁朗石門宛目前
幾曲野橋流水渡

三間迴室倚峯懸到來心境俱澄矣閱過詩詞似幻焉
仍復拈毫寫新會便云創得亦應然

枕碧樓三首

庚辰

初得齋旁樓兩間虛牕納勝枕孱顏山容蒼矣意聊寄
彈指明秋挹翠鬟

種松待老意嫌遲就樹齋成嘉蔭披欲速縱乖鄒嶧論
靜觀雅契太原詩

谷口延緣不見樓到來俯視白雲頭蜃牕嫩日宜清坐

樹樹山山牕在眸

再題枕碧樓

山樓雖小有迎逢拾級居然枕萬峯
遮莫霜林紅染遍蔚牕松色尚重重

枕碧樓

辛巳

高與蒼松齊項背靜將翠嶺接精神
經年權借山公領今日依然屬主人

枕碧樓

壬午

老松橫谷石溪斜縱入深山却是家巖閣有窗皆納樹
竹鑪無火不烹茶餘多濃翠全因暖著幾新紅幻作霞
應接萬奇真莫暇分毫方寸那曾加

枕碧樓 癸未

三間齋閣兩間樓曲榭相通景各投拾級不嫌高可到
開窗恰喜綠方稠雲來氣韻增生動風過音聲解盪流
淡抹濃粧渾欲滴過欣所以異清秋

枕碧樓 甲申

一碧憑萬頃是樓非岳陽霜前色猶重風裏意含涼灩
帶秋霖潤晶翻夕照光山田縱遙目却喜有雲黃

枕碧樓

丙戌

樓枕碧楓林日斜秋未深翻光閃金翠動影護巖峯坐
為去聲乘涼久登因賞遇臨山蹊歸適可珠勒響如琴

枕碧樓

壬辰

山樓據林端林葉翻如水一碧真萬頃洞庭不殊此風
與為波瀾霧與為練綺玩之枕席上弗異蓬窻裡所戒

雕朽訓藉悟乘桴旨

枕碧樓 癸巳

萬木林中聳峻樓浮于水更綠于油而今欲問嚮言者
枕碧何如爾枕流

枕碧樓口號 甲午

山樓風喜北牕涼一碧林瀛萬頃茫我自宵衣攷斲者
那能高枕夢羲皇

枕碧樓口號 乙未

樓牕開處迴含虛澗葉峯枝一碧如不肯於斯試高枕
恐妨晝寢類乎予

枕碧樓 丙申

出樹居然有迴樓扶欄竭爾暢吟眸層層風送碧波泛
不異子荆欲枕流

枕碧樓口號 己亥

巖樓兩架枕孱顏無地臨乘片刻間擬象設如稱碧海
忘登雅似到三山

枕碧樓 庚子

巖樓疊樹中高出揖寥空似枕碧雲表堪呼顥氣通欲
咨葉有意莫傲綠無窮試看枝梢上星星幾點紅

枕碧樓 壬寅

齋傍復有樓高出衆林頭過雨青還碧如波泛不流五
言孰今古萬頃自春秋設擬三山近真攜期羨遊

夕佳樓 庚辰

山中構室難擇向就卑因迴取合宜小樓三間挹嵐岫

開牕疊樹紛參差紅者為楓翠者栢夕陽返照光陸離
造物為張闕全畫胸懷全契陶潛詩初經斷手待題額
即以夕佳而命之

夕佳樓得句

尋深有渴懷步履不知遠峭寒薄邃谷曦光蔽崇巘忽
造砌得齋橫樓接廊轉齋高樓更高一牕冬日滿夕佳
昨命名萬態呈組纂言情陶莫過體物杜猶善而我別
有會含毫欣嫩暖

夕佳樓 辛巳

天高氣霽萬峯排夕景今朝果是佳却悟此佳不因境
大都憂樂繫人懷

夕佳樓

傍晚常教信馬來千峯夕照翠雲堆因緣時節宜留句
又得松窗片刻陪

夕佳樓 壬午

一谷當西日隨宜築小樓開牕延照朗落嶺潑光流霞

燭紅新染嵐浮綠尚稠坐惟消片刻佳趣自千秋

夕佳樓 癸未

牕對西峯樹萬章高低葉態晃斜陽須臾明影含蒼意
又喜搖風送翠涼

夕佳樓即景 甲申

今日登樓正及時千山佳氣映鬚眉破除思慮歸澄照
五柳先生不我欺

夕佳樓 乙酉

小樓樓迴綠松釵山氣常看日夕佳原是晚來遊趁暇
因緣時節巧為排

夕佳樓丙戌

屋宇向西開常延夕照來有光翻樹底得蔭在巖隈栗
里陶情邈錦江杜句該致佳欣偶值小坐試茶杯

夕佳樓口號丁亥

尋常已愛看山氣今日猶欣暢晚晴萬葉輝光一川綠
七言妥貼片時成

夕佳樓 戊子

山色無不佳亦有夕佳時夕佳其故何四處綠向西小樓築此間常受斜陽披金碧翻林葉爛朗而陸離我來孟秋杪恰如仲秋期坐對不覺暄塞中能爾為

夕佳樓 庚寅

一牕烘暖日半晌棄幾閒位置煙霞表依稀佳羨間無存欣近砌葉盡見遙山自是塵氛遠何須更閉關

夕佳樓 辛卯

築室隨山向山樓所向西故常舍夕照因以額前題紫
翠色如幻傑池狀莫齊無殊元亮趣歸去每來兮

夕佳樓 癸巳

石磴出松林有樓倚碧岑一時思孟譬五字蘊陶吟
睨層青影庭來空翠陰無塵猶緒語卿說淨塵心

夕佳樓 丙申

夏晚猶炎冬晚冷夕佳景竄合深秋西南開牖正當嶺
東北倚山舊有樓紅葉都從綠葉染松林特異櫺林留

砌邊更喜黃花放一幅陶家畫總收

夕佳樓已亥

較齋又畧高縱目正出樹四圍山濯翠一字晴澄素邇
來雨已足千峯喜斂霧到茲以卓午夕陽景未遇然而
一樓中固恒貯佳趣

夕佳樓辛丑

樓以夕佳稱偶來惟日午坐亦弗暖席陶句安從覩然
而山之氣恒在樓簷宇我自不相值過弗在樓所彷彿

嵐靄間首肯吾斯語

欽定熱河志卷三十六